



**PEKELILING PENTADBIRAN
BILANGAN 14 TAHUN 2024**

**PENAMBAHBAIKAN KEMUDAHAN PAKAIAN
ISTIADAT PEGAWAI PERKHIDMATAN AWAM
DI UNIVERSITI TEKNIKAL MALAYSIA MELAKA**

Pejabat Pendaftar

24 April 2024 | 15 Syawal 1445H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar dan Alumni)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1 JLD. 2 (45)

24 APRIL 2024
15 SYAWAL 1445H

PEKELILING PENTADBIRAN BIL. 14/2024

PENAMBAHBAIKAN KEMUDAHAN PAKAIAN ISTIADAT PEGAWAI PERKHIDMATAN AWAM DI UNIVERSITI TEKNIKAL MALAYSIA MELAKA

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai Penambahbaikan Kemudahan Pakaian Istiadat Pegawai Perkhidmatan Awam Di Universiti Teknikal Malaysia Melaka yang telah mendapat kelulusan Mesyuarat Lembaga Pengarah Universiti Bilangan 3 Tahun 2024 pada 28 Mac 2024.

2.0 LATAR BELAKANG

- 2.1 Peraturan Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi (BPMUR) kepada Pegawai Perkhidmatan Awam adalah diperuntukkan melalui Pekeliling Perkhidmatan Bilangan 16 Tahun 2007 "Bayaran Pakaian Istiadat, Bantuan Bayaran Pakaian *Black Tie* Dan Bayaran Pakaian Menghadiri Upacara Rasmi" dan Surat Pekeliling Perkhidmatan Bilangan 15 Tahun 2007 "Penjelasan Mengenai Pelaksanaan Pemberian Kemudahan Pakaian Istiadat, Bantuan Bayaran Pakaian *Black Tie* Dan Bayaran Pakaian Menghadiri Upacara Rasmi" serta Surat Pekeliling Perkhidmatan Bilangan 11 Tahun 2008 "Pemanjangan Bayaran Pakaian Menghadiri Upacara Rasmi Kepada Pegawai Dalam Kumpulan Sokongan Yang Diarah Bertugas Di Parlimen Atau Dewan Undangan Negeri".
- 2.2 Peraturan-peraturan kemudahan pakaian di atas telah diterima pakai di Universiti Teknikal Universiti Malaysia Melaka (UTeM) berdasarkan kepada kelulusan Mesyuarat Lembaga Pengarah Universiti Bilangan 2 Tahun 2015 yang bersidang pada 2 April 2015.

- 2.3 Terkini kemudahan Pakaian Istiadat ini telah ditambahbaik melalui Pekeliling Perkhidmatan Sumber Manusia (MyPPSM), Ceraian SR.1.2.2 (Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi) kepada Pegawai Perkhidmatan Awam yang layak semasa menghadiri upacara rasmi berkuat kuasa mulai 1 Januari 2023.

3.0 PERUBAHAN KADAR BAHARU

- 3.1 Kadar bayaran pakaian istiadat dinaikkan daripada RM1,500.00 kepada RM3,500.00 merangkumi pakaian siang dan pakaian malam; dan
- 3.2 Pakaian siang dan pakaian malam boleh dituntut bersekali atau berasingan dalam tempoh tiga (3) tahun dan disokong dengan resit seperti di Jadual 1:

Jadual 1

PEKELILING PERKHIDMATAN SUMBER MANUSIA (MyPPSM), CERAIAN SR.1.2.2			
Bil	Kemudahan	Jenis Pakaian	Kadar (RM)
1.	Bayaran Pakaian Istiadat	Pakaian Siang dan Pakaian Malam (Mess Kit)	3,500.00
2.	Bantuan Bayaran Pakaian <i>Black Tie</i>	Pakaian separa rasmi barat	1,000.00
3.	Bayaran Pakaian Menghadiri Upacara Rasmi	<i>Lounge Suit</i> / Pakaian Kebangsaan	650.00 (pegawai)
			450.00 (pasangan)

4.0 PEMBATALAN

- 4.1 Dengan berkuat kuasanya Pekeliling Pentadbiran ini, maka Pekeliling Pentadbiran Bilangan 23 Tahun 2015 adalah dibatalkan.

5.0 TARIKH KUAT KUASA

- 5.1 Pekeliling Pentadbiran ini berkuat kuasa mulai 28 Mac 2024.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka